

**GARIS PANDUAN KHAS  
PERMOHONAN POTONGAN CUKAI PENDAPATAN  
BAGI PROJEK KOMUNITI/AMAL UNTUK MENANGANI WABAK COVID-19**

Garis panduan khas ini bertujuan untuk menerangkan syarat dan prosedur permohonan kelulusan potongan cukai di bawah Subseksyen 34(6)(h), Akta Cukai Pendapatan 1967 ke atas sumbangan yang dibuat bagi projek komuniti/amal untuk menangani wabak COVID-19.

Kementerian Kewangan mengiktiraf bahawa inisiatif untuk menangani wabak COVID-19 adalah projek komuniti/amal yang diluluskan di bawah Subseksyen 34(6)(h), Akta Cukai Pendapatan 1967. Oleh itu, penyumbang yang membuat sumbangan bagi tujuan ini adalah layak memohon potongan cukai daripada pendapatan kasar perniagaan suatu amaun bersamaan dengan amaun sumbangan yang dibuat.

**SYARAT PERMOHONAN:**

**1. Pemohon Yang Layak**

Syarikat dan selain syarikat iaitu individu, perkongsian, badan amanah dan koperasi yang mempunyai pendapatan perniagaan.

**2. Kriteria Projek Komuniti/Amal Yang Layak**

Projek bagi membantu Kerajaan menangani penularan wabak COVID-19 secara langsung di Fasa Peralihan ke Endemik.

**3. Sumbangan Yang Layak**

- i. peralatan seperti ventilator, katil pesakit, penghawa dingin dan alat pembersih udara (*air purifier/filtration*); dan
- ii. bahan guna habis seperti *mask*, *hand sanitizer*, *glove*, *test kit* dan *Personal Protection Equipment* (PPE).

**4. Pihak Yang Layak Disalurkan Sumbangan**

Sumbangan hendaklah disalurkan kepada penerima sumbangan seperti berikut:

- i. Jabatan/Agensi Kerajaan;
- ii. hospital Kerajaan; dan
- iii. sekolah Kerajaan.

**5. Pengesahan Sumbangan**

Penyumbang hendaklah mendapatkan akuan terima sumbangan berserta cop rasmi penerima bagi mengesahkan maklumat berhubung sumbangan seperti di **Lampiran I**.

## 6. Sumbangan Tunai Kepada Jabatan/Agensi Kerajaan

Sumbangan tunai yang diberi kepada Jabatan Kerajaan, Kementerian Kesihatan Malaysia dan Agensi Pengurusan Bencana Negara (NADMA) layak menuntut insentif potongan cukai di bawah Subseksyen 44(6), Akta Cukai Pendapatan 1967.

Penyumbang layak **menuntut secara terus** melalui Borang Nyata Cukai Pendapatan **tanpa perlu mendapatkan kelulusan Kementerian Kewangan** dan tertakluk kepada garis panduan yang telah disediakan oleh Lembaga Hasil Dalam Negeri Malaysia.

## 7. Dokumen Yang Perlu Dikemukakan

Pemohon hendaklah mengemukakan dokumen lengkap seperti senarai semak di **Lampiran A**.

## 8. Prosedur Memohon Kelulusan Menteri Kewangan

Penyumbang hendaklah mengemukakan **permohonan yang lengkap** kepada:

Setiausaha Bahagian Cukai  
Tingkat 6, Blok Tengah, Kompleks Kementerian Kewangan,  
Presint 2, Pusat Pentadbiran Kerajaan Persekutuan  
62592, PUTRAJAYA  
(u.p.: Puan Mahfuzah Binti Baharin  
Timbalan Setiausaha Bahagian Cukai  
Sektor Galakan Cukai dan Sektor)

Pertanyaan lanjut boleh dikemukakan kepada pegawai berikut:

Talian: 03-8882 4197/03-8882 4059

E-mel: [zeti.tajulariff@mof.gov.my](mailto:zeti.tajulariff@mof.gov.my)  
[dayana.ali@mof.gov.my](mailto:dayana.ali@mof.gov.my)

Permohonan akan diproses setelah pihak Kementerian menerima **dokumen lengkap** daripada pemohon.

## 9. Prosedur Menikmati Potongan Cukai Daripada Lembaga Hasil Dalam Negeri Malaysia

Tuntutan ke atas potongan bagi sumbangan kepada projek komuniti/amal bagi menangani wabak COVID-19 yang telah diluluskan hendaklah dibuat dalam Borang Nyata Cukai Pendapatan bagi tahun taksiran yang berkenaan. Dokumen berikut hendaklah disimpan dengan baik untuk tujuan audit oleh Lembaga Hasil Dalam Negeri Malaysia:

- i. surat kelulusan asal oleh Kementerian Kewangan; dan
- ii. akuan terima sumbangan asal (Lampiran I).

Tuntutan potongan bagi amaun yang sama yang dibuat di bawah Garis Panduan Khas ini adalah tidak dibenarkan potongan di bawah Subseksyen 44(6), Akta Cukai Pendapatan 1967.

## 10. Tarikh Kuat Kuasa

Garis panduan ini berkuat kuasa bagi sumbangan kepada projek komuniti/amal bagi menangani penularan wabak COVID-19 yang dibuat mulai Februari 2020 hingga **31 Disember 2022 atau sehingga wabak COVID-19 diisytiharkan tamat oleh *World Health Organization (WHO)*, yang mana lebih awal.**

Tuntutan potongan cukai boleh dituntut mulai tahun taksiran 2020 dan terpakai untuk tahun taksiran sumbangan dilakukan. Garis panduan dengan pindaan terkini ini berkuat kuasa bagi sumbangan yang dibuat mulai 1 April 2022 hingga 31 Disember 2022.

Tarikh kemas kini: 1 April 2022

Bahagian Cukai

**SENARAI SEMAK  
PERMOHONAN POTONGAN CUKAI PENDAPATAN  
BAGI PROJEK KOMUNITI/ AMAL UNTUK MENANGANI WABAK COVID-19**

Dokumen yang perlu dikemukakan:

i. **Sumbangan daripada pengeluar/pengilang produk sendiri**

|  |                                                                                                                   |
|--|-------------------------------------------------------------------------------------------------------------------|
|  | akuan terima berserta cop rasmi penerima seperti di <b>Lampiran I</b> ; dan                                       |
|  | mengisytiharkan nilai kos barangan serta mengemukakan bukti dokumen sokongan (contoh : pengiraan kos pengeluaran) |

ii. **Sumbangan daripada bukan pengeluar/pengilang produk sendiri**

|  |                                                                             |
|--|-----------------------------------------------------------------------------|
|  | akuan terima berserta cop rasmi penerima seperti di <b>Lampiran I</b> ; dan |
|  | bukti pembelian (salinan inbois belian/ <i>delivery order</i> ); atau       |
|  | bukti pembayaran (slip pindahan wang melalui bank, cek, resit bayaran)      |

*Letterhead*  
Penerima Sumbangan

No. Rujukan :

Tarikh :

Kepada:

Setiausaha Bahagian Cukai  
Tingkat 6, Blok Tengah  
Kompleks Kementerian Kewangan  
Presint 2, Pusat Pentadbiran Kerajaan Persekutuan  
**62592 PUTRAJAYA**

**AKUAN TERIMA SUMBANGAN/PERALATAN/BAHAN GUNA HABIS UNTUK  
PROJEK KOMUNITI/AMAL BAGI MENANGANI WABAK COVID-19**

Saya.....nombor kad pengenalan.....  
berjawatan.....mengaku telah menerima sumbangan bagi  
projek amal/komuniti untuk membantu menangani wabak COVID-19 seperti berikut:

Tarikh Sumbangan: .....

**BUTIR-BUTIR PENYUMBANG:**

Nama Syarikat/Perniagaan: .....

Alamat: .....

Nombor telefon dan nombor faks: .....

Pegawai penyelarasan: .....

Nombor telefon bimbit: .....

E-mel: .....

Nombor Cukai Pendapatan: .....

| JENIS SUMBANGAN  | AMAUN (RM) |
|------------------|------------|
| Peralatan        |            |
| Bahan Guna Habis |            |

(Sila isi di ruang berkaitan)

2. Senarai peralatan/bahan guna habis (sekiranya berkaitan) adalah seperti berikut:

| BIL. | KETERANGAN PERALATAN/BAHAN GUNA HABIS | KUANTITI |
|------|---------------------------------------|----------|
|      |                                       |          |
|      |                                       |          |
|      |                                       |          |

(Sila lampirkan senarai sekiranya ruang tidak mencukupi)

3. Saya mengesahkan bahawa semua sumbangan di atas telah diterima dan maklumat yang dikemukakan disahkan benar.

Sekian, terima kasih.

Yang benar,

(*tandatangan*)

Nama:

Jawatan:

Cop Rasmi Penerima Sumbangan:

\*Kemudahan ini hanya terpakai sehingga 31 Disember 2022 atau sehingga wabak COVID-19 diisytiharkan tamat oleh *World Health Organization* (WHO) yang mana lebih awal\*